



**Ofisina Sentral di Statistik**

Informashon : (+599 9) 8392300

Adrès: WTC Building, Piscaderabay s/n

E-mail: [info@cbs.cw](mailto:info@cbs.cw)

Website: [www.cbs.cw](http://www.cbs.cw)

Facebook: cbscur

# **Komunikado pa Prensa**

Willemstad, 24 sèptèmber 2020

## **Sifra índise di preis pa konsumidó pa luna di ougùstùs 2020**

### **Desaroyo di preisnan pa konsumidó na Kòrsou pa luna di ougùstùs 2020**

**For di sifra ku Ofisina Sentral di Statistik (CBS) a publiká awe ta indiká ku e nivel di preis promedio a subi ku 0.8 porshento na luna di ougùstùs 2020 kompará ku luna di yùli 2020. E sifra di inflashon a baha bira 2.4 porshento.**

*Desaroyo di preis luna di ougùstùs 2020 kompará ku luna di yùli 2020*


E sifra índise di preis pa konsumidó (CPI, “Consumer Price Index”) di Kòrsou a subi ku 0,8 porshento na luna di ougùstùs 2020 kompará ku luna di yùli 2020, esta di 134.7 na yùli 2020 pa 135.7 na ougùstùs 2020.

E kambionan di preis spesífiko ku mas a sobresalí durante luna di ougùstùs 2020 ta; subida di bòm di gas (16.7%), kerosin (7.8%), gasoil (7.2), gasolin (4.9%), elektrisidat (4.5%) i awe (3.7%) i bahada di kortina i tela pa kas (-4.4%), suku i chukulati (-0.7%)

*Desaroyo di preis luna di ougùstùs 2020 kompará ku luna di ougùstùs 2019*

E CPI di ougùstùs 2020 (135.7) ta 2.2 porshento mas haltu ku e CPI di ougùstùs 2019 (132.5). E sifranan aki ta indiká ku e nivel di preis pa konsumidó durante luna di ougùstùs 2020 ta 2.2% mas haltu kompará ku e mes un luna na 2019. E kategorianan ku a kontribuí mas tantu na e subida aki ta bebida, sigaria, komestibel i salubridat.

*Desaroyo di preis riba término largu: inflashon ougùstùs 2020*



Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p’esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku yüli 2020 ku mes periodo un aña anterior, ta resultá ku preisnan na averahe a subi ku 2,4 porshento: e CPI promedio di 12 luna a desaroyá di 130.9 na yüli 2019 pa 134.0 na ougùstùs 2020.

////////////////////////////////////